



KHUTBA JUMMAH

HADHRAT MUHYI-UD-DIN AL-KHALIFATULLAH

Munir Ahmad Azim

30 Décembre 2016
(29 Rabi'ul Awwal 1438 AH)

Après ki li fine salué tous so bane disciples (et tous bane musulmans) dans le monde entier avec la salutation de paix dans l'Islam, Hazrat Muhyi-ud-Din Al-Khalifatullah (atba) fine lire Tashahhud, Ta'uz, et Surah Al Fatiha, et li fine ensuite axé so Khutba Jummah lor « Bane Célébrations de Fin d'Année » :

Azordi, pour le dernier Khutba Jummah de sa l'année 2016 là, comme d'habitude, li mo devoir pou fer bane dimounes, et surtout bane musulmans prend compte lors bane excès et innovations ki rentré dans la vie de bane musulmans kot zot arriver imite bane non-musulmans et participe dans bane pratiques ki non-Islamiques.

Ena aussi sa zaffaire kot ena bane programmes à l'occasion fête de fin d'année dans bane l'hôtels et d'autre places kot zot célébré sa bane fête là. Sa bane programme fin d'année attire boucou dimounes, et aussi bane programmes télévisé à sa l'occasion là. À la télévision ena plusieurs senne ki pé faire publicité pou ou investi ou l'argent, ki ou capave gagne sa bane film là pendant le dernier mois de l'année et commencement de nouveau l'année, kot ena aussi théâtres, discothèques, bane concours chanter en plusieurs langues pou récompense zot par bane prix. Ou trouve boucou participants, publicité de tous sorte kalité jeux du hasard et aussi, ene la honte sa, kot organise concert soi-disant Islamique et pou fin d'année bel-bel l'affiche ki bane tel, tel film de bane grand artiste pou débuté dans cinéma et dimounes mette longue la queue pou acheter billet pou zot amène zot madame, zenfants pou guette film dans cinéma.

Céki malheureux ou trouve boucou bane madames ki bien intéresser avec tous sa là. Et surtout bane madames et filles musulmane, kot pou alle Jummah, faire Namaz dans Masjid sa zot pas gagner, et aussi kot zot observe *Roza* ene mois mais pas gagne sa bane

bénédictio et grâce là pou alle faire Namaz de deux Eid (*Eid-ul-Fitr* et *Eid-ul-Adha*) dans Masdjid en congrégation et pou écoute le Khutba ki très important pou ene croyant et croyante. Sa bane soi-disant Mullah azordi-zour là trouve sa *haraam*, pas permette, kot zot fine ferme la porte ki amène vers Allah et voilà bane madames et filles musulmanes attrape la porte ki pou amène zot vers Shaytan, kot Shaytan faire tous paraître jolie pou zot et faire zot détache avec Allah et So Rassool (saws). Voilà! Pou bane Mullah là, la porte Masdjid *haraam* pou zot, eski sa la porte ki zot fine attraper là li *halaal* sa? Ene la porte ki pou amène zot kot sa, sa ? Dans *jannat* ou dans *jahannam*?

L'Islam c'est ene religion ki donne boucou l'honneur et respect à bane madames. L'Islam enseigne nous pou protège bane madames et aussi ordonne zot pou reste dans *pardah*. Alors, c'est totalement à l'encontre de l'Islam pou bane madame musulmanes organise bane activités Islamique et zot invite la télévision national et même la Radio national et privée pou retransmettre à la télé afin ki zot vine ene spectacle à bane *non-mahram*. Bane madames gagne droit célébré bane activités Islamique entre zot mais pas invite bane hommes dans zot bane programmes Islamique ki zot faire. Bane programmes Islamique ki ou faire c'est pou faire plaisir d'Allah (swt) non plus ene show pou encourage bane madames et jeune filles pou vine sans *pardah* incitant et attirant bane regards *zanah* de bane *non-mahram* et pervers. C'est pas Islam sa. Bizin prend précaution si vraiment nous envie nous action bénéficié nous dans *Aakhirah*.

Pendant célébration bane programmes Islamique, nous conseille bane madames musulmanes bizin pas oublier ki zot façon habiller li très important. Ene madame musulmane pas gagne droit habille dans ene façon ki so cheveu, zoreille, l'estomac ou autre partie de so le corps paraître. Sa li interdit dans l'Islam et surtout dans sa bane fête de fin d'année là kot même dans bane familles musulmane ena pou faire fête fin d'année, ena ki pou faire sa kot en famille, à la maison, ena pou alle rassembler à la plage avec tous sorte menu et barbecue, ena ki possédé (ena l'argent bien) pou fêter dans l'hôtel etc. dans bane semaines de fin d'année et commencement de l'autre l'année. Plusieurs secteurs pou encore ena congé pou fêter même et parmi plusieurs fêtes la fin et commencement l'année ki pou ena, ena bane concerts de chant et danse Hollywood et Bollywood. Malheureusement, bane musulmans et musulmanes aussi fine rentre dans sa bane piège là, kot zot pé copie lors bane les autres cultures et religion, zot fine piétine zot l'enseignement pou donne les autres cultures plisse l'importance ki l'enseignement de l'Islam. Zot faire bane publicités pou attire les autres dans zot concert soi-disant Islamique.

Ene l'année ki fine passer, si mo pas pé faire erreur, peut-être 3 ans de cela kot ti faire ene concert soi-disant Islamique avec titre, danse du ventre (*Belly Dancing*).

L'islam pas permette aucaine concert de chant en Arabe ki associer avec la musique. C'est purement *haraam*. Si la personne ki pé faire concert là li sorti depuis pays Arabe, sa pas veut dire ki concert là permettre. Même si la personne pé dire bane paroles ki louable, sa pas veut dire ki concert là permettre, même si la personne pé dire c'est permissible, parceki pé associer la musique et danser avec sa. Surtout kan l'objectif c'est pas l'avancement spirituelle mais l'amusement ou divertissement satanique.

L'islam autorise bane *Nazam, Qasida, Naat* en n'importe ki langue pou faire éloge d'Allah et So Rassool (saws) avec boucou de respect mais pas avec la musique et danse semblable avec divertissement Européen. Mo faire ene appelle à tous bane musulmans, national et international pou pas participe dans sa bane concert soi-disant Islamique là et pas donne zot présence dans sa bane places là. Nous faire appelle aussi à bane organisateurs de sa bane concerts là pou ki zot assume zot responsabilité envers Allah et So Rassool (saws), car zot pé propage kitchose ki *haraam* au nom de l'islam. Bizin arrête donne bane programmes spirituelle couleur concert. Bane programme spirituelle bizin seulement pou le plaisir d'Allah et kot pas ena kitchose *haraam* ki associer avec sa. C'est à ce moment là ki ou pou trouve progrès, non plus pé exagérer et dépasse limite dans démonstration ki soi-disant ou content Allah et So Rassool (saws), mais selman pé fer kitchose *haraam* en associant sa avec Allah and So Rassool (saws) zot nom, que ce sois avec la musique, chanter et danser lors dance floor! Prend précaution !!!

Vine responsable, prend consentement avec bane ki attacher avec l'enseignement et commandement d'Allah et So Rassool (saws) avant organise bane FÊTES pareil pou évite déviation depuis *Shariah*. Sa bane soi-disant concert Islamique là pas capave promouvoir l'éloge d'Allah et respect pour Allah et So Rassool (saws). Sa li pas ene solution pou ki bane nouveau génération purifier zot et trempe zot dans l'amour d'Allah et So Rassool (saws).

Donc, réfléchi bien avant organise bane tel programmes, kot ena compte pou rendre surtout concernant le respect envers le bien-aimé d'Allah (saws) et Allah Li même. L'honneur c'est Allah (swt) ki donner, pas cherche l'honneur avec créatures en bafouant bane principes islamique et so l'enseignement. Pas à cause les autres cultures ou oublier ou propre l'enseignement dépi création sa l'univers là. Allah (swt) fine envoie bane messagers à zot bane peuples. Zot ti vini avec bane signes claire, mais sa bane peuples là fine guette zot propre confort mondain au lieu accepter Allah (swt) et So bane messagers et malgré tous zéffort ki bane messagers là fine faire pou donne zot sa bane messages là, par zot l'arrogance ki zot ena, zot pas fine accepter bane messages ki zot fine recevoir et zot fine démenti sa bane messagers là et même zot ti dire à sa bane messagers là, "*Eski to*

fine vine parmi nous pou faire nous quitte céki nous ti trouve nous ancêtres pé suivre?"
Pou zot sa bane ignorants là, zot croire ki bane messagers d'Allah pé rode gagne l'honneur et grandeur dans le pays. L'heure là même zot dire « **Wa maa nahnu laku-maa bi-muminiin !** » - *Nous péna croyance en ou.*

Couma Allah (swt) dire dans Quran Shariff, façon ki zot faire même ki Nous mette sceller lors les cœurs bane dimounes ki dépasse limite. Zot plutôt attache zot avec bane kitchose ki pou amène zot à la dérive et ki attire la colère d'Allah lors zot. Zot préfère sa bane l'amusement indécent là, bane mauvais ki fine pousser couma sa bane mauvais l'herbe ki fine pousser dans tous coins de sa le monde ici-bas là. Lire Surah At-Tauba, guetter ki Allah (swt) dire:

Pou sa bane kalites mauvais dimounes là, ki li zommes et femmes, ki zot camarade ene à l'autre, zot ordonne céki empêché et zot empêche céki fine permette, et zot ena la main serrer, zot pas content dépense dans la chemin d'Allah, mais zot dépense zot l'argent lors bane kitchoses inutile ki pas pou rapport zot aucaine bénédiction et *barakat* dans zot l'argent, dans zot la case, dans zot famille, dans zot la santé. Zot oublier Allah et zot donne préférence zot propre passion, zot désire, zot jouissance et Allah aussi oublier zot complètement et kan Allah aussi oublier zot, définitivement zot na pas lors le droit chemin, zot fine prend chemin travers et zot pé satisfait avec sa chemin ki zot fine prend là. Allah (swt) dire « **Wa la ana humullah, Wa la hum azaa bum Muqim** » - *Lors zot ena malédiction Allah et ene punition ki pou durer.*

Allah (swt) même dire dans Quran:

"Eski zot pas voyager lors la terre et guetté couma fine fini bane avant zot? Zot ti pli nombreux ki sa bane là, avec plisse la force et zot fine kit zot trace lor la terre. Mais céki zot ti amasser pas fine servi zot nannié." (Ghafir 40: 83).

Allah pé dire: *Eski zot pas voyager lors la terre et guetté couma dimounes ki fine vive avant ou, ki ti ena plus la force ki ou, et ki ti ena boucou plus du bien et zenfants ki ou? Zot fine jouir zot part, pareil couma dimoune ki ti vivre avant ou ti faire. Et ou aussi, ou fine enfonce dans l'égarement couma zot même. Dimounes coumsa, zot travail lors la terre et dans la vie future na pas ena aucaine valeur, et c'est zot ki perdi.*

Donc, Ô bane musulmans, zot bizin conne garde zot l'honneur et zot dignité et faudré pas ou alle associer ou à bane activités fin d'année. C'est purement bane activités Shaytan. Comprend mo message bien, ki bane tel activités pareil attire colère d'Allah et mo faire duah ki nous bane musulmans éloigne nous de sa bane tel activités là. *Ameen.*